

燕都風土叢書

地14  
92703  
部二

三五八

書  
号  
五 1 册  
登 214556

燕都風土

叢書 北江署



# 燕京記

崑山顧 森雲菴氏輯

東莞張江裁次溪氏刊



黃帝都於涿鹿尙無幽燕之名至高陽氏始謂之幽陵帝堯申命和叔宅朔方曰幽都

境有幽都之山蓋因其地幽昧故名在今昌平州西北三十里亦曰北幽大戴禮虞舜以天德嗣堯

布功散德制禮朔方幽都來服尙書舜流共工于幽州又分薊州地爲幽州因幽都以

爲名夏殷省幽并冀殷人南都於毫復舜幽州之名周人又以幽州兼殷之營州禮記

云武王克殷反商未及下車而封黃帝之後於薊史記云周武王滅紂封召公奭於北

燕亦山名在薊州東召公姬姓周之支族帝王世紀云是文王庶子尙書正義云又王之子一

十六國無名奭者經典釋文載黃帝姓姬君奭即其後也然則所謂封黃帝之後於薊

者即召公也燕初封在北平無終山即今薊州後漸強盛乃併幽州徙居之至昭王繼子噲

讓國破亂之餘卑禮厚幣築黃金臺以招賢者鄒衍如燕昭王擁彗先驅列弟子座而

受業築碣石宮居之宮在薊州西三十里寧臺之東望諸君奉命擊齊長驅至國下齊

## 燕京記

雙聲樓叢書

城七十二珠玉珍寶盡收入燕旋築長城自造陽至襄平置上谷漁陽右北平遼西遼

東郡秦始皇二十一年王翦破燕太子軍取燕薊城燕滅燕九世稱侯八世稱公十世

稱王秦析天下爲四十郡幽州名上谷郡二世元年九月韓廣爲趙畧地至薊自立爲

燕王楚漢之際項羽封臧荼爲燕王都薊韓信絢河北荼降高帝五年秋七月燕王臧

荼反帝自將擊之荼就擒八月立盧綰爲燕王後分燕置涿郡十二年綰降匈奴復封

王子建爲燕王建薨呂后誅建子分燕國之地置涿郡及廣陽國文帝元年徙瑯琊王

澤於燕傳國至孫定國免武帝元狩六年又封王子旦爲燕王旦立三十八年謀逆而

誅國除置十二州改燕國爲幽州領郡十理於此宣帝本始元年更爲國以封燕刺王

旦子建爲廣陽王都薊領縣四建曾孫嘉王莽時絕光武初破邯鄲誅王郎召鄧禹夜

語曰欲北發幽州諸將誰可使者禹以吳漢對遂命爲大將軍擊斬幽州牧苗曾建武

二年二月漁陽太守彭寵反攻幽州牧朱浮三年三月彭寵陷薊城自立爲燕王五年

二月被其蒼頭所殺漁陽平封叔父良爲廣陽王十五年徙王趙省廣陽入上谷郡和

帝永安元年復立廣陽郡幽州刺史與郡同理光和中漁陽張純誘遼西烏丸邱力居

等叛劫畧薊中純自號彌天將軍安定王朝廷以劉虞威信素著恩積北方拜幽州牧  
虞到薊罷屯兵廣恩信純走出塞虞勸督農植開上谷朝市之利青徐士庶避難歸虞  
者百餘萬公孫瓚與虞相忤及與袁紹戰於界橋軍敗回薊於大城東南築小城與虞  
相近稍相恨望虞懼瓚爲變遂舉兵襲瓚虞兵無部伍不習戰又愛民屋勅令勿燒故  
瓚得放火因以精銳衝突虞衆大敗奔居庸旋被瓚擒盡收幽州之地瓚以鄒丹爲漁  
陽太守虞故吏鮮于輔率州人與丹戰于薊北大破之斬丹持其衆奉王命三國魏明  
帝太和元年封叔父字爲燕王晉太始初封子機爲燕王機薨無子國除尋改范陽郡  
曰范陽國王復領幽州刺史謠曰幽州城門似藏戶中有伏尸王彭祖石勒將圖復聞  
之撫几笑曰王彭祖真可擒也於是輕騎襲幽州至薊叱門者曰開門先驅牛羊數千  
頭聲言上禮實欲填諸街巷使兵不得發勒命甲士執復驛送襄國市斬之遂置燕郡  
穆帝永和五年慕容儁僭卽燕王位明年率軍南伐由盧龍次於無終石季龍幽州刺  
史王午棄城走留其將王他守薊儁攻陷其城斬他因而都之名其宮曰碣石初慕容  
廆有赭白馬有奇相逸力常自乘之爲石虎圍將棄衆逃之以韉此馬輒啼齧不得近

燕京記

二 雙 肇 樓 叢 書

乃止俄而鄴使至石虎國有難徹圍去至儁光壽元年此馬四十九歲矣而駿逸不虧  
儁奇之命鑄銅以圖其像親爲銘贊鑄頌其旁象成而馬死矣今薊城有銅馬門又大  
廳前石函長二尺高一丈歷代不敢開銘曰秦建二年造銅馬符儁爲符堅所滅堅亂  
慕容垂得其地州郡之名如故建節將軍徐巖叛驅掠四千餘人北至幽州慕容垂勅  
其將平規曰但固守勿戰吾當自討之規違令拒戰爲岩所敗岩乘勝入薊掠千餘戶  
而去晉孝武帝太元二十一年八月魏主珪大舉伐燕南出馬邑踰句注別遣將軍封  
眞等從東道出軍都襲燕幽州慕容寶至龍城垂身蘭汗拒之寶奔薊汗復遣迎寶還  
龍城殺之遂於薊立燕郡又於郡理置幽州孝文帝太和二十三年幽州民王惠定聚  
衆反自稱明法皇帝刺史李肅捕斬之宣武帝延昌三年八月幽州沙門劉僧紹聚衆  
反自號淨居國明法王州郡捕斬之孝明帝孝昌元年八月杜洛周反於上谷號年眞  
王南圍燕州二年十一月攻陷幽州執刺史王延年及行臺常景普泰元年幽州刺史  
劉靈助起兵於薊率衆次安國城定州刺史侯淵破斬之武泰元年爲葛榮所併孝莊  
帝永安元年爾朱榮討葛榮遣黨韓樓復據幽州反二年九月大都督侯深破韓樓於

薊斬之幽州平天興二年八月范陽人盧溥聚衆海濱稱使持節征北大將軍幽州刺史攻掠郡縣殺幽州刺史封沓千十二月詔材官將軍和突討溥三年正月和突生擒溥傳送京師轅之泰常元年徙何部落庫傳官斌歸馮跋驍騎將軍延普渡濡水討擊大破之斬斌及跋并幽州刺史漁陽公庫傳官昌征北將軍關內侯庫傳官提等首生擒庫傳官女生時送京師幽州平北齊于幽州置北京道行臺天保六年發夫一百八十萬人築長城自幽州北夏口至恒州九百餘里後周改置燕范陽一郡兼立總管府於州隋開皇三年廢郡所領縣復屬州總管如故煬帝初廢總管三年罷州以其地併入涿郡治薊自晉至隋幽州刺史皆以薊爲治所大業四年春詔發河北諸郡男女百餘萬開永濟渠引沁水南達於河北通涿郡七年二月帝自江都行幸涿郡駕駐臨朔宮秋七月發江淮以南民夫及船運黎陽及洛口諸倉米至涿郡舳舻相次千餘里八年春正月四方兵皆集涿郡凡一百十三萬三千八百人號二百萬其餽運者倍之九年春正月徵天下兵募民爲饒果集於涿郡帝自將擊高麗不克而還其器械資儲皆積於涿郡又臨朔宮多珍寶諸賊競來侵掠留守官虎賁郎將趙什住等不能拒惟雲

陽羅藝前後殺賊甚衆什住等陰忌之藝宣言激衆軍還執什住陳軍而入什住等聽命乃發庫物以賜戰士開倉庫以賑貧乏殺不同己者自稱幽州總管上谷賊帥王須拔自號漫天擁衆數萬入掠幽州中流矢而死其亞將魏刁兒代領其衆自號歷山飛寶建德襲破之盡併其地建德圍幽州羅藝告急於高開道乃率二千騎援之建德懼其驍銳引去時幽州大饑開道許給之粟藝遣老弱就食皆厚遇之藝悅不以爲慮乃發兵三千人車數百乘驢馬千餘匹請粟開道悉留之北連突厥告絕于藝張道源撫輯山東諭藝降武德二年乃上表以地歸唐詔封燕王置幽州總管府六年改總管爲大總管七年改爲大都督府孫佺爲幽州都督五月北征李處郁等諫不聽出軍門有白虹垂頭于軍門其夜大星落于營內兵將無敢言者軍行後幽州界內烏鴉鴟爲並失皆隨軍去僅二旬而軍沒烏鴟食其肉焉開元元年置防禦大使二年置幽州節度諸州軍管內經略鎮守大使八年幽州節度兼本軍州經略大使并節度河北諸軍大使十三年陞爲大都督府二十年幽州節度使兼河北採訪處置使二十九年幽州節度使領平盧軍節度副使治順化州天寶元年正月置十節度經略使以備邊改幽州

爲范陽郡幽州節度使爲范陽節度使經略九軍治幽州軍九萬一千四百人三十一年以平盧節度使安祿山兼范陽節度使十五載安祿山僞卽帝位國曰大燕以范陽爲大都署其城東隅私第曰潛龍宮祿山父子僭位凡三年而滅至德二載史思明奉十三郡兵八萬籍歸于朝乾元元年復改郡曰幽州二年正月思明僭稱大聖周王四月更國號大燕自稱應天皇帝號范陽爲燕京其子朝義殺之僭位以僞太常卿李懷仙爲范陽節度使懷仙以薊縣爲節度院寶應元年范陽節度使復爲幽州節度使及平盧陷又兼盧龍節度使廣德元年李懷仙縊死朝義盡以所管來降閏月李懷仙仍故地爲幽州盧龍節度使大歷三年朱希彩朱泚弟朱滔共斬懷仙自稱留後詔領節度其下李瑗殺之推朱泚爲留後泚入朝以滔爲權知留後遂領節度滔以祿山思明皆起燕俄而覆滅惡其名以冀堯所都因號冀僭爲王改幽州爲范陽郡滔死軍中推劉怱總軍事俄詔爲節度副大使怱卒子濟嗣節度濟次子總置毒死濟卽領軍政詔嗣節度上疏願奉朝請且讓節鉞於張宏靖俄幽州亂囚宏靖以劉悟爲節度使而瀛冀皆附朱克融悟不得入朝廷度幽薊未可復取乃拜克融爲幽州盧龍節度使長慶

燕京記

四雙筆樓叢書

元年軍亂殺克融次子延嗣領留後大將李載義殺而代之敬宗卽授盧龍軍節度使大和四年爲兵馬司楊志誠所逐文宗用志誠爲留後俄推節度副大使八年爲下所逐部將史元忠總留後明年爲副大使會昌初爲行泰所殺邀節度未報次將張絳殺行泰武宗用張仲武代之初仲武爲幽州大都督府長史回鶻擾邊東逼漁陽仲武大破之前後收其王侯貴族千餘人降三萬人表請於薊北立紀聖功銘勅李德裕爲之文至是用之俄進副大使舉動多不法變起奔京師軍中以張允伸總後務未幾爲節度使咸通十二年以疾上節印詔以子簡會爲副大使而軍中推張公素爲留後簡會出奔詔公素爲節度使爲李茂勳所襲奔京師茂勳入府衆推主州務以聞詔卽拜節度使俄以病表子可舉代遂領留後進節度使可舉死衆推李全忠爲留後光啟元年拜節度使未幾卒子匡威領留後進爲使李克用伐王鎔匡威自將援鎔其弟匡籌據城自稱留後天子卽授爲節度使克用攻匡籌敗之於居庸關匡籌遁去幽州地歸克用劉仁恭入城封府庫以待克用悅留仁恭守之乾元元年表爲盧龍軍節度使仁恭子守光梁開平元年自外將兵入稱盧龍節度使執仁恭而幽之乾化元年自稱大燕

皇帝改曰元應天明年晉遣周德威會鎮定兵攻燕三年正月拔燕順州四月逼幽州  
十月守光率衆五千夜出奔檀州德威自涿州引兵邀擊大破之守光以百騎逃歸幽  
州十一月晉王自詣幽州攻城克之擒仁恭守光亡去晉王入幽州以德威爲盧龍節  
度使守光奔滄州失道至燕之東境擒之晉王以練新仁恭父子凱歌入於晉陽初守  
光被圍元行欽領牧馬山後聞警卽率衆赴援而麾下兵叛干道推行欽爲幽州留後  
盧龍鎮二十八易帥歷一百四十八年明宗天成三年七月幽州趙德鈞敗契丹於府  
西契丹當莊宗明宗時攻陷營平二州及已立晉又得雁門以北幽州節度管內合一  
十六州乃以幽州爲燕京更其國曰大遼天顯十三年以幽州爲南京開泰元年改幽  
都府爲析津府置都總管府周世宗末年大舉以取幽州契丹聞其親征君臣恐懼沿  
邊城壘皆望風而下蕃部之在幽州者亦連宵遁去車駕至瓦橋關探邏得實甚喜以  
爲大勳必集因登高阜以觀六師頃之有父老百餘輩持牛酒以獻世宗問曰此地何  
名對曰歷世相傳謂之病龍臺世宗默然遽上馬馳去是夜不豫卽詔回戈未到關而  
晏駕太平興國四年六月庚申車駕北征丁卯次岐溝庚午至幽州城南駐蹕寶光寺  
燕京記

癸未幸城西隅督諸將攻城踰旬不下遂詔班師永熙既下并州欲乘勝收復薊門衆  
議不一永熙竟趨幽州卷甲而還雍熙三年詔曹彬潘美等北伐敗契丹於固安破涿  
州又破於新城戰於岐溝關我師敗積宣和四年九月己卯郭藥師以涿州來降以其  
軍八千隸劉延慶爲鄉導癸未遼蕭后遣使納款稱臣蕭容韓昉在雄州童貫蔡攸以  
其所上表不納上止納款磨而去之昉曰納款卽納土也契丹種類雜未易圖朝廷當  
思兩全無貽後悔乃以蕭后表馳奏御筆賜涿易八州名改燕京爲燕山府又改郡曰  
廣陽節度日永清軍旣破契丹至燕駐軍約宋自取幽州十月童貫蔡攸爲宣撫使劉  
延慶爲將軍駐兵蘆溝遼相李偃約降延慶乃命趙鶴壽等同郭藥師夜半清河銜枚  
倍道至三家店駐軍次日郭藥師遣甄王臣領常勝軍五千雜郊氏奪迎春門以入大  
軍繼至陣於憫忠寺藥師遣人諭蕭后降不從合戰至晚不解四軍大王蕭幹亟來救  
援藥師敗奔門不得出盡棄馬從城而下還者數百騎而已是時大軍屯蘆溝延慶聞  
燕城復失求自遁之計召諸將諭以糧餉不繼次日燒營及輜重奔還師大潰女眞阿  
骨打聞宋兵潰以全師自居庸關入四軍大王奉蕭后由松亭關遁后行五十里金兵

逼城左企弓集百官共議未定統軍副使蕭一信開啟夏門放入金遣降人韓秉傳示不殺一人催促文武百僚耆老僧道出丹鳳門毬場內投降阿骨打戎服坐萬勝殿皆拜服罪遼亡五年夏四月金人來歸燕京六州授王安中慶遠軍節度使河北燕山府路宣撫使兼知燕山府又用蔡靖爲大帥郭藥師副之七年十二月幹離不寇燕山郭藥師率麾下兵四萬又起涿易兵三萬戰於潞縣藥師大敗引數騎走至燕山伏壯士於後園擒守臣蔡靖降於金燕山諸郡皆陷金築燕京改名曰永安以析津府爲大興府至海陵煬王天德三年三月詔尙書右丞張宏浩等增廣燕城四圍七十五里分門十三建宮室四月詔遷都燕京貞元元年定都以燕乃列國之名不當爲京師號遂改爲聖都尋改中都元初克燕爲燕市路總管大興府太宗七年歸版籍世祖至元元年改中都其大興府仍舊四年始於中都之東北置今城方六十里分門十一而遷都焉九年改大都十九年置留守司至元二十一年改置大都路總管府世祖以開平府爲上都每年四月迤北草青則駕幸上都避暑八月草將枯則駕回大都每歲住來於兩都間洪武元年八月大將軍信國公徐達副將軍鄂國公常遇春等克元都師至齊化

燕京記

六雙肇樓叢書

門將軍尹堅執長刀突陣生擒元金金虎符兩將元兵辟易遂命將填壕登城而入順帝已北竄詔改元都爲北平府設北平行中書省并置燕山大興永清等六衛隸兵三萬命指揮副使孫興祖華雲龍兼北平行省叅知政事守之九年九月置大都督分府於北平尋隸山東革行省設承宣布政使司十二年十一月燕府營造訖工繪圖以進凡爲宮殿室屋八百一十一間十三年三月燕王之國建文元年秋七月燕府靖難兵起夜攻下九門都指揮馬宣巷戰不勝走薊州俞瑱走居庸關都督宋忠帥師次居庸退保懷來通州衛指揮房勝等各以城叛降燕十月李景隆徵兵諸路合五十萬引兵渡蘆溝橋遂圍北平築九壘于九門又結九營于鄭村壩景隆改麗正門幾破城中婦女咸上城擲瓦石景隆令不嚴驟退北平守益堅十一月景隆遣都督陳暉領哨騎渡白河燕王率精騎薛祿等逆擊之暉敗乃率精銳攻一營盡殲之連攻七營遂逼景隆景隆不能支宵遁永樂元年正月以北平爲北京府爲順天府四年閏七月淇國公邱福等請建北京宮殿備巡幸十四年十一月詔羣臣議建北京城垣宮殿十五年六月興工拓南城二千七百餘丈建廟社郊祀壇場宮殿門闕規制悉如南京高敞壯麗過之

復於皇城東南建皇太孫宮東安門外建十王邸通爲至八千三百五十楹至十八年冬告成十九年正月朔旦御奉天殿乃命禮部正北京曰京師不稱行在洪熙元年三月命諸司在北京者仍加行在二字正統元年十月命太監阮安等修建九門樓壕橋開補前之不逮也正統辛酉大赦天下改給兩京文武衙門印北京去行在二字南京諸司增南京二字嘉靖三十二年兵部尙書聶豹等相度京城四面增築外城約七十餘里得旨允行乙丑告廟興工四月上慮工費不繼命嚴嵩詣工所視之嵩言宜先築南城俟財力裕時再成四面之制遂將現築南面城基東西折轉接抱東南大城角計長二十八里開七門四十二年六月告成崇禎十七年三月十九日流賊李自成陷平則門入城思宗崩於煤山五月初二日本朝兵敗闖賊入城撫定臣民遂定都焉

### 附記城郭

五代以前無所攷遼太宗會同元年十一月詔升南京析津府城方三十六里門八東曰安東迎春南曰開陽丹鳳西曰顯西清普北曰通天拱辰大內在西南隅宋宣和五年爲燕山府城圍二十七里門八七年復沒入金金忠獻王粘罕有志都燕因遼人宮

### 燕京記

七一雙筆樓叢書

闕於內城外築四城每城各三里前後各一門樓櫓池塹一如邊城安城之內立倉廩甲仗庫各穿複道與內城通貞元元年改燕京爲中都自會寧遷都於此拓其四圍七十五里門十三其正門四旁又設兩門正東曰宣曜陽春施仁西曰灑華麗澤彰儀曰一新正南曰豐宜景風端禮正北曰通元會城崇智光泰元至元元年於中都東北置京城城方六十里二百四十步分十一門正南曰麗正左文明右順承正東曰崇仁東之南曰齊化東之北曰光熙正西曰和義西之南曰平則西之北曰肅清北之西曰健德北之東曰安貞四年徙都之九年改曰大都明洪武元年滅元後改爲北平府大將軍徐達命指揮華雲龍經理元都新築城垣南北取徑直東西長一千八百九十丈又令指揮張煥度故元皇城周圍一千二百六丈又令指揮葉國珍計度南城周圍五千三百二十八丈南城故金時舊基也在今城西南唐幽州藩鎮及遼金故都城也隋之天甯寺舊在城中今在彰儀門外矣憫忠寺有唐景福元年重藏舍利記其銘曰大燕城內地東南隅有憫忠寺門臨康衢此寺舊在城中東南今在城外西南僻境矣九年大將軍徐達經理元都縮其城之北五里廢東西之北光熙肅清二門改安貞門爲安定

門健德門爲德勝門餘俱仍舊永樂元年建爲北京改北平府爲順天府十五年六月興工拓其南城二千八百餘丈計城周圍四十里爲門九南曰麗正文明順城東曰齊化東直西曰平則西直北曰安定德勝十八年冬告成乃命禮部正北京爲京師不稱行在正統初更麗正爲正陽文明爲崇文順城爲宣武齊化爲朝陽平則爲阜成餘四門仍舊然至今土人尚呼齊化平則等名嘉靖四十三年築重城成包京城南一面轉抱東西角樓止計二十八里爲門七南曰永定左安右安東曰廣渠東便西曰廣寧西便東西便門北向南國朝因之又有寶昌門南順門廣陽門清夷門阿婆門河洛春秋載係幽州東門啟夏門燕京正南門宣和門東以上俱燕京城門今無所考

#### 附各門路徑去向

外城七門西向者廣甯門卽張儀門西行三十里蘆溝橋過橋西南四十里卽良鄉縣爲各省陸路進京之咽喉東向者廣渠門俗呼沙窩門東南行六十里張家灣爲水馬頭水路進京於此上岸沿河有路共程二百四十里至天津府南向正中永定門出城數里卽抵海子墻其東卽左安門俗呼姜义門乃村庄之路其西爲右安門俗呼南西

#### 燕京記

八 雙鑾樓叢書

門城外豐臺乃種花之地有小道由固安縣通山東較近然道路隘狹多宵小只可徒步者行耳其東西便門俱北向卽大城城根下路東便門外向東有小路可至通州大城除前三門爲外城所包其東向之南爲朝陽門今尙呼齊化門外有朝日壇東南行四十五里至通州俱石砌大道糧艘抵通交卸此陸運進京之道也由州東南十五里卽張家灣內城仕宦出京亦有從此路下船者通州東北行卽往關東大路東之北名東直門亦村庄之路西向之南名阜成門今仍呼平則門外有月夕壇西行十餘里卽抵西山之麓西之北西直門外有河道直通萬壽山城外有高粱橋十五里至圓明園亦抵西山而止北向之東安定門外有地壇天壇在前門外東北至順義縣出古北口及熱河木欄各蒙古等處北之西名德勝門城外有大教場武鄉會試跑馬較射於此西北行九十里至昌平州再三十里出居庸關大同宣化等處之孔道也

崑山顧雲菴先生燕京記作於乾隆二十一年今春余始得此稿於琉璃廠通學齋適余續編京津風土叢書遂校而印之東莞張江裁記

燕京記終

中華民國二十八年一月燕歸來移校印

燕都雜詠

天津樊 杉問青著

東莞張江裁次溪氏刊

析木占分野甘棠溯舊疆由來形勝地南面協當陽

京都星野上應析木召伯之後封燕

銅頭兼鐵額肆惡記蚩尤賴有軒皇戰妖氛涿野收

黃帝與蚩尤戰於涿州之野

下車恩澤沛分土盛姬周遺廟陶唐祀蒼茫古薊州

周武王下車封堯後於薊

猶有秦城在連雲萬里長天教中外限列戍重邊防

京城北百餘里即古長城

見說談天衍曾吹黍谷箎至今春有腳苗穗長芄芄

戰國鄒衍吹箎以暖地氣名黍谷在昌平州

獵碣歧陽重書成籀篆鐫車攻同六月石鼓辟雍傳

周宣王石鼓金人由汴京輦來今在太學

士豈黃金重臺高霸業殘更誰收駿骨易水自生寒

燕昭王黃金臺今在左安門外有遺址

七首終無用秦庭枉獻圖田陂尋督亢萬頃盡膏腴

督亢陂在涿州即荆軻獻地圖於秦者

冀野多名馬千金價自高卻憐轅下老難遇九方皋

伯樂過冀野而馬空羣今北方尚多名馬

自古誇燕石光華白玉如至今狼澗底採取供丹除

古傳燕石似玉今西山大石窩狼兒澗一帶產白石以供內用

燕都雜詠

雙壁樓叢書

果見烏頭白幽都太子還至今曉夜月應是弔燕丹

燕太子丹在秦約以烏頭白馬生角始得歸後烏頭果白遂還國

鼠璞音相近誰教假混真豹文空自炫席上未稱珍

燕人呼鼠為璞音之訛也

蒯徹家范陽當時推辯士卜葬帝城東智應同樽里

蒯徹墓在廣渠門外八里莊塚前有井

燕姑貌如花服媚徵蘭夢國香贈美人草為宜男種

鄭文公妾燕姑夢天與蘭生子

朔方風氣勁自古角弓良年少誇身手人人善挽強

燕地角弓著名列子所謂燕角之弧也

舉燭因書誤何人會意深光明思灼見早悟用賢心

燕王因人誤書舉燭遂悟用賢之道

漢魏邊臣重朱張姓氏留墨華千載壽舊治憶幽州

漢朱龜有碑魏張普有傳皆幽州刺史

誰似漁陽守歌成樂不支賣刀還買犢瑞麥獻雙歧

漢漁陽太守張堪令民賣刀買牛有麥秀雙歧之瑞民作歌誦德

濕水東行遠流通洗馬河中興思漢武扈蹕此經過

桑乾河即濕水合洗馬溝相傳漢武帝北巡至此

金馬門何在銅符匱已移慕容無寸土拓跋有殘碑

南燕慕容儁築薊城外舊有後魏銅符匱今在德勝門西直門外

虎符石匱又有劉靖碑今久亡

古寺尋潭柘龍移樹也枯青蛇餘佛性終歲守精廬

潭柘寺晉時建相傳龍捨潭為寺是龍中云

是龍中云

善果蕭梁蹟莊嚴選佛場修成羅漢果苦海渡慈航善果寺在宣武門外迤西梁時建兩廡羅漢像如生

倒影天王塔堂深驗日光鈴聲今已歇碑字沒開皇天寧寺隋天王寺日中塔倒影射堂中今堂圯塔存隋舍利塔碑無

白馬隋朝刹空餘土阜存鍾魚聲寂寞孤塔立黃昏白馬寺舊有隋經幢二今土阜上僅有明碑東有僧塔地名白馬坑

盜馬傳遺事隋家塑像新神威真赫濯面縛認姚彬東城盜馬關廟相傳姚彬盜關公馬被獲故塑像肖之隋時建明修

莫問綿山寺荒煙蔓草生蝦蟆鳴岸外猶作諷經聲綿山寺隋刹也在天官堡白馬寺坑元為火焙營地近蝦蟆岸

鄂公銅像造移自晉陽庵款識銷磨盡空資過客談潘家河沿晉陽庵舊有唐尉遲恭造銅佛像後移眼藥庵即浙紹恭

館今像存無字

盧師崖下坐侍者有青龍天半驚風雨飛泉灑古松西山秘魔崖唐盧師修行處侍者大青小青即龍子石上松高二尺

幽州憫忠寺舊在城東門坊市千年改依稀閣址存唐太宗憫隋東征將士建憫忠寺在幽州城東南隅有憫忠高閣去

天一握之諺今賜名法源

何處哀忠冢荒郊沒草萊遺聞傳父老彷彿近琴臺哀忠冢在白雲觀西十里近雲臺今寺中觀音堂藏舍利處非冢也

數行爭坐帖字字比球琳眞迹平原重終應勝米臨國子監有顏魯公爭坐位帖殘石遠勝米芾臨本

孔道指盧溝桑乾日夜流長安誰作志古地補樊洲樊洲在盧溝橋東見唐王公晟墓誌

燕都雜詠 二 雙肇樓叢書

朝陽關外望遙指謾糧臺旆旆東征遠遺縱瓦礫堆朝陽門外土阜名謾糧臺相傳唐太宗征高麗時置

城角淤泥寺唐人有刻經夜深宣梵嘔應有鬼神聽淤泥寺即慈峯寺在城內西南隅昔有高僧中夜諷經城隍神階下

侍聽有唐人書心經

北海書名擅親揮李秀碑衙齋留礎石墨寶重臨池李邕書雲麾將軍李秀碑向在文礎在順天府丞署今有二礎在文

丞相祠翻刻在法源寺

往事談安史強藩釀禍多難憑功德大雙塔失嗟峨憫忠寺舊有安祿山史思明建二塔今無惟蘇靈芝書塔頌猶存

故宅空思李叢林尙誌唐山僧閒話久林外棗花香崇效寺即棗花寺唐刹也本李濟捨宅

寶氏居應近靈椿舊有坊燕山佳話在五桂羨齊芳後周寶禹鈞五子皆登科舊有丹桂坊名

塔字認宣和猶記燕山府何物郭藥師叛棄中原土右安門外廣恩寺俗名周橋寺即宋清勝寺宣和七年立有慈慧大

師塔是年郭藥師叛降金

奇石鐫浮玉聲如清磬長何人學米老袍笏拜都堂石在都察院上刻泗濱浮玉元豐元年芾書

中朝誰奉使曲謙想交歡匹烈三巡後風前舞契丹宋臣使遼曲宴有威栗手伎琵琶雜劇角觥吹笙諸名酒盃名匹烈

不愧皇華選高才玉牒多碑中黃絹字過眼記無訛宋肅王樞與沈元用使金有碑三千餘字沈強記忘十四字王補其

缺竝改誤  
了無矜色

巧匠琢燕用宮功勒姓名誰知成識兆汴水運中京宋巧匠燕用多鑄名關橋金入汴京木石皆運往燕京若預為兆也

韋后南歸日傷心別道君也知和議誤惟問岳將軍和議成韋后南歸問何不見大怒小眼將軍左右曰岳飛死矣大怒欲

出家終  
身道裝

降表簽名早三宮慟北來莫嫌沙漠遠免見六陵開謝太后名道清宋理宗后伯顏軍至率三后納款北行

硯琢銅臺瓦摩挲古墨香臨安王氣盡舊庫憶南廊銅雀臺瓦硯今歲劉氏背橫刻金聲玉振四篆字字右刃刻亡宋南

廊庫經手郭押  
蓋金得宋物也

舊寵曾魚貫同心共雉經芳魂應不散化作女貞青宋王吳二夫人二宮人至元焚香留書共縊死元令懸首謝太后門

幾年瀛國貴老作木波師柔福終誅戮何人識帝姬宋恭帝至北封瀛國公後為木波禪師柔福公主南歸韋石恐洩北

事言其  
僞誅之

水雲隨北狩逐雁又南歸多少宮人送詩成淚共揮汪水雲居燕一年南歸宮人王妙兒十四人以勸君更進一盃酒二

句分韻作  
詩送行

不盡佳山痛黃冠願未償至今柴市過正氣凜冰霜元獲文天祥不屈乞為道士不許戮於柴市今府學胡同即柴市

燕都雜詠

憤讀曹娥碑身甘不食死摩挲卜卦硯臣心堅若此宋謝枋得拘於憫忠寺因讀曹娥碑不食死卜卦硯出天津海潮庵

歸周氏查氏今  
歲大興劉氏

割分十六州乞封不知醜金幣貢契丹歲歲幽燕走石敬瑭以十六州路契丹封為晉王南北始分

析津城已徙誰記海陵王燕角高樓圯空傳白紙坊遼海陵王始徙中都在今外城西南隅白紙坊一帶今地名燕角者

其東北  
角樓也

城市繁華地黃泉古墓存李君畱定石地是海王村琉璃廠東掘得遼李內貞墓誌載保寧十年葬京東燕下鄉海王村

何年梳洗罷蕭后有妝樓遙對天王塔巍然土一邱蕭后梳妝樓在天寧寺塔南巍然土阜是也

遺風傳禱禱祭重行軍可惜連蹇語難傳詛楚文遼出征行禱祭禮用牝牡牛二鹿一蓋詛咒敵人也

杏村兼柳巷舊在遼城西剩有新庵小深林野鳥囀杏村柳巷皆遼外苑今西郊有柳巷地名

蛇語誰能解官分神速姑葛盧有奇技試聽鼓囉胡遼神速姑者蓋通蛇語之人

駐蹕開香界遺踪訪玉河濤聲松樹老經字石幢磨玉河鄉駐蹕寺遼利也有松甚古經幢為金大定朝時立

信步華嚴寺探幽古魏村石幢遼代立天會字猶存東城華嚴寺又名槐寺地近魏村遼幢猶存

館舍知何處猶傳碣石名簪裾游讌地廢址記南城碣石館又名太平館遼朝貴讌游處距城十里約在今永定門外

誰賦菊花黃君王有賜章殿頭揮睿藻袖底有餘香遼主得其臣黃菊賦題云昨日得卿黃菊賦細翦金英題作句袖中

猶覺有餘香冷落西風吹不去西便門內昊天寺遼道宗女秦越長公主捨宅在甘棠坊今寺塔俱

無菜園中

見說昊天寺山門井水甘輓鱸閒菜圃寂寞感伽藍竹林寺在筆管胡同遼道宗女楚國大長公主捨宅一塔無影明改

井尚在

試訪竹林寺遼家駙馬宮浮圖迷舊迹寒菜滿西風抱京西望山西北曰十八盤山有合

雙河流合抱勝境有温泉遼后遺踪在華清好共傳遼東丹王於木葉山起書樓善畫有射鹿圖傳世

木葉山樓峻縹緗萬卷攤畫圖傳射鹿名字重東丹迎於此從者皆黑綠衣

漁獵迎芳旋煙波長菱荷呼鷹臨野岸雲外落天鵝遼俗九月初七日屠白牛埋之

移帳近深秋遺風瘞白牛夜涼看露鼻如喘月當頭露其鼻越八日移帳其上

皎皎烏林氏無慚固節名至今過古驛冰雪著賢聲海陵王荒淫召葛王海鳥妃烏林塔氏行至良鄉固節驛自縊

古刹尋仙露荒苔闕石函何人藏舍利猶記大王銜仙露寺近菜市舍利石函刻天祿三年千邑具東明王夫人永寧

大王燕同大王諸名

燕都雜詠

城址金源拓中都氣象新豐宜門不遠柳色望龍津金外城七十五里今豐臺是其南面豐宜門址龍津橋石欄琢嬰兒

巧極工

移帳春山早圍場萬綺停郊原狐兔盡試放海東青春山秋水金主園獵處海東青鷹名

宋使經行地曾傳灰洞名郵程何處是塵颺輭紅輕宋使范石湖有過灰洞詩今不知處城西有灰廠地名

舊俗愛穹廬宸游捺鉢居獵圍歸去晚恩宴賜頭魚捺鉢帳名御食最重頭魚宴

大定文明世偏能武事諳金丸誇百中猶記雀兒庵西山雀兒庵以金章宗禪雀多中得名

古木平沙遠鹿園基未迷更無藍靛種野菜滿荒畦大通橋東藍靛廠為金鹿園地最膏腴

妙對傳明月才高說李妃何年畫中影也共劫灰飛金章宗與李妃夜坐上月二日邊明土上坐妃應聲曰一月日邊明

帝大悅聖安寺舊有妃像今亡

路指望京村長途野色昏星輅誰奉使回首上東門望京村在今朝陽門外金置以館各國使臣

世樂小堯舜艱難祖業思琵琶彈別殿聽唱女真詞大定開帝御睿思殿令人歌女真詞謂太子諸王曰欲汝輩知

之勿忘祖訓意

莫問瑤池殿迴廊曲樹空濛梁真樂在碧沼躍鱗紅金魚池在天壇後金時有瑤池殿魚沼池明武清侯李園亦在此

香山名勝地御墨灑章宗輦路清陰遠長留護駕松香山金章宗嘗幸其地今寺中有御書來青軒雲白山青西巖諸匾

額又有護駕松亦數百年物

寺額仰聖安鐘樓半頽朽野老話興衰地是東湖柳宜武門外迤南地名東湖柳聖安寺內舊有金章宗李宸妃像今亡

石經傳趙宋遠自汴京移城已燕山改無人識斷碑宋石經周禮春秋金人輩置南城今拓本猶有存者

禁軍熊虎壯扈蹕盡南行犀玉知多少明駝送汴京金禁旅名熊虎軍宜宗南遷以駝三千送犀玉於汴京

詩人張伯玉交契李屏山驢背掀髯笑詩情翠鬪閒金張伯玉工詩與李屏山契好嘗騎驢看西山吟詠自適

齋堂游眺好山色翠微奇碑石如螺黛宮娥巧畫眉翠微山多碎石如墨金宮人取畫眉故又名畫山有齋堂村

奎章高閣下奇石記宸題元玉今何在鰲峯迹共迷金主題國學奇石曰奎章元玉今亡國史院舊有石名鰲峯當時諸

老賦詩甚多

高臺訪祭星燈火望熒熒廢址埋秋草寒光閃夜螢西山有金章宗祭星臺又有看花駐蹕二臺

堪笑王飛泊釣魚還釣名試看臺下水何似在山清釣魚臺在阜成門外金王鬱字飛泊後出仕為亂兵所殺

道士吳全節薔薇五色裁道場金錄建曾見鶴飛來金道士吳全節曾於宮中種五色薔薇內道場有白鶴羣飛

骨相摹天廡圖成百駿工好將名畫記姓字補東宮世宗太子允恭工畫有百駿圖

燕都雜詠 五 雙壁樓叢書

一代金源史遺山撰述多不知張萬戶實錄更何如金朝實錄藏順天張萬戶家今不傳

西街輒塔巷名自萬松傳方外交偏篤屏山與湛然萬松老人金元時高僧善祖也住東城大覺寺齋名昨非與李屏山

耶律湛然為友塔在甌塔胡同

多少沙蟲化金源有覆軍至今寒食近螞蟻自成墳金為元敗軍士化為螞蟻南苑西墻每年清明蟻聚成堆名螞蟻墳

大覺開精舍幽棲苦行僧千秋畱義井一勺飲冷冷東城大覺寺為金高僧萬松老人修行地自署齋曰昨非寺有義井

蒙古起沙漠燕畿定帝基文成看虎爪一代國書奇元起於燕都於此有虎爪書南

巍巍麗正門白石朝天路何處第三橋更認將軍樹元初立麗正門劉秉忠以第三橋南樹為向封獨樹將軍每元會聖

節懸燈如火龍

遙指寅賓里天家九廟開祇今馳道改瓦礫長蕪苔元太廟在今齊化門內馳道直達大街地名寅賓里

舊是烏珠宅門高署翰林市廛今已改北相蹟難尋元初以烏珠宅為翰林院約在今鼓樓街烏珠時稱北相

天水王孫貴書名足大家鷗波亭子上格更配簪花趙孟頫為元代書家配管夫人道昇亦工書世祖嘗命合裝成軸

百尺中心閣高臺迹未迷晨昏鐘鼓擊翹首白雲齊元中地今鼓樓街有中心至之名

應是臺字之訛

短莎移塞上誓儉種深宮偏有紅姑草秋來相映紅元世祖移塞外草種禁中名誓儉也

觀象有高臺睥睨東城倚黝碧古璣衡依稀元祐字元觀象臺舊在文明門外今在崇文門內東南隅在銅儀為郭守敬造

崇國叢林闢潭潭相府基烏紗偕鳳帔相對憶齊眉元崇國寺今在宣武門內大街東明改名護國寺托托故宅也殿中

朱衣鳳帔立像即托托夫婦

元代題名記碑存六百年至今成故事甲榜姓名鐫國子監題名碑三十一正泰國子貢試題名一至正十一年進士題名

一至正丙午國子中選題名

徘徊乾石橋地近巴延府樓已麗春頰何處藏歌舞元巴延太師府近乾石橋舊有麗春樓又有廣元樓與朝元樓相對

大駕變輿返彤廷雅樂迎殿前停御騎歌聽太平聲凡大駕回宮樂前導舞作天下太平字至殿前下馬方止

為謝龍公雨城邊玉印埋泥沙今復出苔蘚幾磨楷元順帝雨後謝龍神各城外埋玉印

遠開飛放泊高聳瞭鷹臺靈囿規模大經營憶子來永定門外南海子周仁虞院有瞭鷹臺元名飛放泊即仁虞院

銅人來海上脉絡自交通缺隙哥尼補人工擬化工太醫院銅人王機使宋時所進至元中哥尼修補

劈正方陳斧輿隆更奏笙大明朝會日鐙漏聽分明元大明殿朝會所造精巧莫比燈漏為郭守敬所造精巧莫比

燕都雜詠

六 雙筆樓叢書

那有蟠桃種傳聞語定訛惟憐雲鶴畫猶自記宣和元大內有蟠桃核在長春宮注水即成鹹味上畫雲鶴傍刻宣和年

字宋物也見輟耕錄

雁奴埋玉處壙石誌中丞蓬顆迷荒冢難尋野寺僧元張中丞養吾子雁奴壙銘在東城淨度寺今不知處

城北多煙樹猶傳太保園高堂賢樂額空憶趙王孫元太保曲出賜園在土城關賢樂堂匾為趙松雪書

驟雨新翻曲怡雲舊繪圖自邀名士賞聲價重皇都劉妓名解語花即歌驟雨打新荷者張妓名怡雲趙松雪商正叔高

房山為寫怡雲圖

春色廉園好花開比洛中平生遵孔戒老肯媚東宮廉希孟萬柳堂在南城外花最盛時方造東宮工部乞花於廉園公

曰我方病退願以花求媚耶乃止

東臬何處望我憶趙匏瓜莫認參謀宅居然野老家元趙參謀名禹卿築匏瓜亭去城東十里當時目為趙匏瓜王鶚記

王盤叙王輝詩俱可誦

諷詠託清歌冤魂怨史驟酒醒空自悔麴蘖累人多元宮人史驟兒善琵琶至治間因歌有酒神仙之句上怒殺之醒後

悔曰驟兒以歌諷我也

佛戒受宮娥番僧秘密多杵鈴翻法曲十六舞天魔元宮人多受番僧秘密戒又選十六人為天魔舞

白塔西方鎮凌雲儼玉瓶夜深誰設醮燈火散繁星白塔寺在阜城門內元建上豐下殺形如玉瓶可望數十里外內設燈二百四十盞

廣寒春宴早酒海腹何寬玉鉢沈埋久曾同蟻日看元玉酒海置廣寒殿後在玉鉢巷鮑榮今陳設儀天殿

文明門外景泡影認長河歲久城垣拓依然漾綠波泡子河元時在文明門外自明拓城南面河遂在城內東南隅

公主慕金仙平生拜佛虔雙趺留跪迹隱隱認花顛元世祖女妙嚴公主出家桑柘寺有拜佛雙趺宛然今存

迤邐三里河斷岸生蘆草不見綠叢城雪舞秋風老元於文明門外設蘆草園每年取萬束覆城牆名襄城後以駝包城

遂不用

白傘迎諸佛皇城幾度游帝師多福利膜拜遍王侯元每歲白傘迎佛名游皇城

石上驂騑影王孫筆最精遺踪尋古寺碑沒草縱橫舊太僕寺有趙松雪畫馬石刻久亡

夜宴儀天殿犀臺月色斜歸來宮漏靜醉倚五雲車儀天殿前有犀山臺宮中有五雲車夜燃火樹懸明珠不用燈燭

杏園文讌盛學士有新詞羅帕知誰贈風流重一時元時東城杏花臺皆是虞道園杏花及東嶽廟石臺皆最盛

春雨詞題帕贈妓傳為佳話

司成嚴課士講坐擁皋比日影梨花過諸生放學時元國學諸生視後堂日過梨花放學

燕都雜詠 七 雙肇樓叢書

凌空雙塔峙近倚舊城阿版築遙相避君王信佛多雙塔在西長安街慶壽寺旁一書海雲國師一書圓照禪師元築城

南面命曲三十步避之

上元良夜永燈火暢遨遊守戶勞黃犬金吾正放偷元夕小竊元時不禁名放偷

嵯峨東嶽宮金碧耀當路誰尋道教碑但看劉元塑元齊化門外東嶽廟下有趙松雪書此為劉鑾殿東階下有趙松雪書

張留孫道教碑

猶有邱仙蹟白雲道觀深片言能止殺何止點黃金道士邱處機佐元祖開國能燒金助餉長春觀在西便門外今名白

雲觀每歲正月十九日廟會名燕九

元代栽培久輪囷呂氏簾春風花破萼一架紫雲蒸西珠市口某宅中有呂氏簾花上刻大德六年

宮女固孤妝寵侍頭鵝宴寂寞尖帽山莫問鍼線殿固孤鬢名元時秋鷹入貢時有頭鵝宴尖帽山元葬宮人處大內有

針線殿七十二間

風人多色目揭亭典型存解唱燕姬曲名高薩雁門元揭奚斯亭亦魯獅薩都拉皆色目人薩有燕姬曲最著名

坊多分廿四猶有舊名存誰續長安志宏才憶道園元城內共二十四坊名皆處集所撰

水木足清華元朝侍御家舳舻何處望淺水剩蒹葭清華園元御史王儼別業在文明門外東南里許今不知處